

# مقطع جميل :المرأة ضعيفة بفطرتها | للشيخ الحويني

أبو إسحاق الحويني

المرأة ضعيفة وغلبانة فعلا. يعني انت لما تطلقها بتكسرهما حتى لو كانت بنت ملك مطاع. والكلام ده كلام النبي عليه الصلاة والسلام. قال ان المرأة خلقت من ضلع فان اعوج الضلع اعلاه. فان ذهب تقيمه كسرتة. وان تركته ظل على عوج فاقبلوهن على عوج. اذا -

00:00:00

فمال المرأة في اعوجاجها. فانظر الى هذه المفارقة. يبقى الرجل ينبغي ان يعلم ان ما عنده القوامه والذي يرحمه الذي يتفضل وهو الذي يغضي وهو الذي يسامح بحكم القوامه يبقى الرجل كده مستقيم اهو. والمرأة كده. الضلع - 00:00:30

كده. فلما يبقوا الاثنين جنب بعض لو انت عايز المرأة تبقى زيك هتبقى كده. خلاص ما ينفعش يبقى فيه اثنين رجالة في البيت. لما وتتعامل مع امرأة فيها صفات الرجولة اما ان تترك رجولتك واما ان تطلقها. عشان كده تلاقي كبرانة - 00:00:57

في دماغ الرجالة ما بيعتزش حتى لو كان غلطان. يحصل مشادة بينه وبين المرأة هو اللي غلطان ما يرضاش يصلحها ما يرضاش يصلحها ليه؟ يقول لك اصل هتاخذ على كده. والقوامه بتاعتي ما تسمحليش وكرامتي والحدوتة دي - 00:01:24

البيوت المستقرة رجل قوي مع امرأة ضعيفة او رجل ضعيف مع امرأة قوية. بس لازم يبقوا اثنين واحد قوي وواحد ضعيف ايا كان بقي. لكن اثنين اقوياء مع بعض ما ينفعوش. فادي الرجل - 00:01:43

اهو وادي المرأة اهي طب انت دلوقتي عايز تبقى راجل كويس تعمل ايه؟ تفضل كده انت تعمل كده. انت اللي تتعوض مش هي اللي تستقيم. لو استقامت تتعبك. لكن انت لما تتعوج عندك الصلاحية انك تتعوج - 00:02:03

وانك انت تنزل بقي من علياء الرجل والكلام ده تنزل ولا يضرك. حتخطف قلبها يعني الرسول عليه الصلاة والسلام كما في المسند وغيره. من حديث عائشة رضي الله عنها. قالت كنا في غزاة مع النبي صلى الله عليه وسلم - 00:02:30

فقال للجيش تقدموا فتقدم الجيش فاصبحوا هم الاثنين مع بعض. قال تعالي اسابقك. نجري قبال بعض انا عايزك تتخيل الرسول عليه الصلاة والسلام. افضل من مشى على الارض بقدمين الموصول بالسماء رسول - 00:02:50

ورب العالمين عمال يجري وبين عائشة. مين اللي ممكن يعملها دلوقتي رجل يستنكف انه يعمل حاجة زي كده. ويشوف ان ده يحط من الرجولة بتاعته والكلام ده لآ. اهو لقد كان لكم في رسول الله اسوة حسنة - 00:03:10

تعالي اسابقك. قالت فسابقته فسبقته وبعدين بعد مدة كده برضه في غزوة والكلام ده قال للجيش تقدموا. ثم قال لها تعالي اسابقك قالت وانا نسيت بقي ان ايه كان فيه موقف زي كده قبل كده. قالت فسابقته فسبقني - 00:03:29

فجعل يضحك ويقول هذه بتلك. ايه اللي يضر الرجل يعني؟ ايه اللي يضر الرجل ان ان يتبسط مش عايز اقول لك اجري لا انت هتجري فين. العملية كلها الشقة خمسين متر ولا هتجري يعني تطلع تجري في الشارع يقول لي الاثنين مجانيين بييجروا ورا بعض ولا بتاع وكزا. ها - 00:03:55

هو حلك الوحيد تجري ورا اتوبيس ورا بتاع يبقى لك سبيبة كده انك انت بتجري يعني مش مش طالع تجري لواحدة كده. لكن ممكن تعمل حاجة زي كده. ممكن تعمل حاجة زي - 00:04:15

حاجة تشبه كده. يبقى النهاردة لما الراجل يعمل كده اهو يبقى هو اللي اتعوج اهو. وانت عندك الصلاحية انك تعمل كده. وقلبك يسع ان تفعل شيئا كهذا. فعشان كده باقول لك يعني انت تاخذ قلب المرأة بكلمة طيبة. وهي بترضى. هي بترضى - 00:04:25

حتى لو كانت تعلم انك كاذب بترضى برضو - 00:04:45